

**CONVENIO DE COLABORACIÓN ENTRE A AXENCIA GALEGA DE SANGUE, ÓRGANOS E TECIDOS (ADOS) E A FUNDACIÓN PÚBLICA GALEGA DE INVESTIGACIÓN BIOMÉDICA INIBIC, PARA O DESENVOLVEMENTO DO PROXECTO DE INVESTIGACIÓN TITULADO: "INMUNOTERAPIA ANTITUMORAL ENFOCADA NA REPROGRAMACIÓN DE MONOCITOS E/OU MACRÓFAGOS"**

**MEMORIA XUSTIFICATIVA**

A secretaria xeral técnica da Consellería de Sanidade, DECLARA:

Que a Axencia Galega de Sangue, Órganos e Tecidos (ADOS) e a Fundación Galega de Investigación Biomédica INIBIC formalizaron o día 11.03.2026 o instrumento convencional arriba referido, o cal permanecerá vixente ata o 11.03.2030.

Que o instrumento convencional ten por obxecto materializar e regular a colaboración entre as partes para o desenvolvemento do proxecto de investigación titulado: *"Inmunoterapia antitumoral enfocada na reprogramación de monocitos e/ou macrófagos"*. A finalidade do proxecto de investigación é descubrir novas inmunoterapias antitumorais focalizadas na reprogramación mieloide e na búsqueda de biomarcadores para a súa reprogramación funcional e sostida coa consecuente activación dunha resposta inmune antitumoral eficaz contra o tumor.

Para levar a cabo o dito proxecto a ADOS facilitará á Fundación INIBIC un máximo de cento vinte (120) concentrados plaquetarios (buffy coats) procedentes de remanentes que non se vaian a empregar na preparación de unidades de plaquetas, e de persoas doadoras que firmasen o consentimento informado de ADOS no momento da doazón.

Que existe converxencia de intereses entre as entidades asinantes en orde á consecución dos obxectivos referidos.

ADOS é una axencia pública autonómica adscrita á consellería competente en materia de sanidade, que ten como fin actuar como un instrumento de xestión eficiente para asegurar a doazón voluntaria de sangue, o procesamento, fraccionamento, almacenaxe e abastecemento de compoñentes sanguíneos e hemoderivados, a coordinación de transplantes de órganos e a obtención, procesamento, almacenaxe,



distribución e implante de células e tecidos. De conformidade co artigo 9 dos seus estatutos é competencia da axencia conseguir doazóns voluntarias e altruístas de sangue, medula ósea e sangue de cordón umbilical para cubrir as necesidades do sistema sanitario de Galicia, así como conseguir as doazóns de células e tecidos necesarios para atender as necesidades dos/as doentes do sistema sanitario de Galicia e dos programas de investigación celular.

A Fundación Pública Galega de Investigación Biomédica INIBIC, pola súa banda, é unha fundación do sector público autonómico que ten por obxecto fomentar a cooperación da sociedade galega coas institucións sanitarias públicas; promover a investigación científica poñendo a disposición dos/das investigadores/as os medios e recursos da Fundación para a consecución dunha maior calidade na prestación dos seus servizos na Comunidade Galega; propoñer e levar a cabo accións de promoción e dinamización da investigación; favorecer a colaboración entre os distintos equipos de investigación, así como a relación con outros centros que realicen actividades afíns; difundir os resultados das actividades investigadoras e facilitar o coñecemento dos avances científicos e tecnolóxicos, fomentando a súa aplicación; fomentar a transferencia á sociedade dos resultados de investigación xerados no seu ámbito, a través dunha adecuada protección e xestión do coñecemento e intervir e participar en todos os ámbitos que en xeral estean relacionados con estes obxectivos.

A fundación é o órgano xestor único do INIBIC, Instituto de Investigación Sanitaria (IIS) constituído pola Consellería de Sanidade, o Servizo Gallego de Saúde, a Universidade de A Coruña (UDC) e a Fundación INIBIC. O INIBIC está composto polos grupos de Investigación do Hospital, da Universidade e da área de Atención Primaria de A Coruña, coa finalidade de crear un marco de colaboración estable, que integre a investigación básica e clínica desenvolvida, posibilitando unha transferencia á sociedade máis eficaz dos avances científicos obtidos no diagnóstico, prevención e tratamento das enfermidades.

O INIBIC está a desenvolver o proxecto de investigación citado no parágrafo segundo, que conta co ditame favorable do Comité de ética da investigación con medicamentos de Galicia (CEIm-G) do 31.10.2025 con código de rexistro 2025/275. Como se sinalou, para o desenvolvemento do proxecto o equipo de investigación precisa de mostras de sangue denominadas *Buffy-Coats*, que son concentrados plaquetarios (capa leucocitaria) preparados a partir de capas leucocitarias procedentes de diversas unidades de sangue total, os cales serán facilitados por ADOS ás persoas responsables do estudo (facilitaranse unicamente aqueles buffy coats remanentes que non se vaian a empregar na preparación de unidades de plaquetas procedentes de persoas doadoras que firmasen o consentimento informado de ADOS no momento da doazón).





As razóns de interese público que constitúen o obxecto do convenio, así como os intereses converxentes das partes asinantes (en tanto que as accións previstas constitúen unha vía para a consecución dos fins que teñen atribuídos), exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estimouse xustificadísimo o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela.

